

Utkuhikhalingmi Havaariyakhaq – Naunaittumik Naittuq Titiraqtauhimayuq

Sabina Gold-kut Silver Corp.-kullu (Sabina) upalungaiyaiyut laisikhaniklu tukhiutikhanik piliqtut havakvigiyangani Utkuhikhalingmi Havaariyakhamik (“Havaariyakhaq”). Havaariyakhaq malruungnik ilalik nunangnik (atillak Goosmik-mik George-miklu) unghahiktigiik imaa 60 kilaamitanik. Ittuk uvani Uataani Kitikmoet Nunainni Nunavunmi imaa 100 kilaamitanik hivuani ilangani Qingaup. Uyarakhalingniaqaak Havaariyakhap uuktuqtauhimavaktuq atuqtillugit 1980 qangannuarlu havaktaat Sabinatkut nalvaaqpakut 8-nik maniliurnaqtunik kuuqarniinnik.

Ukturumayaat Havaariyakhaq ilalik piliuriangani algakvikhamik nuitayumik iluanilu nunap uyarakhiurvikhainnik Goose-kut Nunagiyaani unalu iluani nunap uyarakhiurvikhainnik George-kut Nunagiyaanni kuulnik piyaangani. Uyarakhiuqtakhat pilugit akhaluutikkut agyarlugit avikturvingmut talvani Goose-kut Nunagiyaani kuuliuriangani. Avikturviq uyarakhiuqtamik piyaangani kuulmik ilaqarluni ahiruqtilugit uyarakhiuqtakhaminik, talvannga akhaluarlutik puktallarlutiklu pilutik, unguvaktirlugillu avaliiqhimayut. Iqqakuut uyarakhiurvingmit iliyauniaqtut nunani naunaiqhimayuni imakuillu halumaittut iliyaulutik qanittumi tutquumavingmi.

Havaariyakhap hivitunia 22 nik ukiunik – malguuk ukiuk hivullimik havakviliurlutik, 10-nit 15-nut ukiuni havakvigilugu uvungalu tallimanik ukiunik umiktiriangani umikhimaliqqallu amirilugu. Havaliqtinnagit qanuriliurutait upalungaiyarniaqtait uyarakhiuliqtinnagit. Uyarakhiurvik uyarakhiuqtakhaniklu piliurvik aulaniaqtut 15-nik ukiunik havaktiqarlutiklu 900-nik inungnik. Nappait hapkua inuit havakvingmiinniaqtut qanuq tamaat tingmiakkut havakviliaqpakkamik havaguirangamiklu tingmiakkuuliqpakkamik himmautiqtakhutik.

Uyarakhiurviliarniq piyaulaarniaqtuq ukiuq tamaat tingmiakkut. Tariukkuurniaqtut hikuraangat. Imakkut Tulakvikhaq Qingaungmi atuqtauniaqtuq ukiuq naatkaangat tamaayanik agyarlutik uyarakhiurviqallaktillugu aturlutiklu tamayanik hanayaangani umiktilliqqatalu uyarakhiurvingmik. Sabina-kut hananiaqtut apqutikhanik atuqtakhanik quyaginnaq ukiumilu apqutikhanik atajjutkhainnik Nunaigyayuyunik.

Havaariyakhaq ilaqarniaqtuq havakvikhanik, uyarakhiuqtanik avikturvikhamik, tamayaqarvingnik, hanavikhanik akhaluutitniklu ihuaqharvikhanik, uqhuryuaqarvingnik, imakurnik halumaittunik tutquumavingmik, uyarakurnik iqqakuurvingnik, milvingmik, havakvingmilu apqutinik. Sabina-kut mikiyumiklu havakviqarniaqtuq, milvingmik, uqhuryuaqarvingmik tulakvikhamiklu talvalu Imakkut Tulakvikhaq Qingaungmi. Hapkua igluqpait unguvaqtauniaqtut aturungnaiqqat uyarakhiurvik. Apqutit, mivliit, imakurnik halumaittunik tutquumaviit uyarakurnik iqqakuurviit unguvaqtauyunaittut talvalu qanurittuugaluanginnut utiqtiffaaqtaulutik nunamut angiqtauhimayumut talvani. Hamna naunaiqtauhimayuq maligaliuqtinit ilaujutilingnillu.

Sabina-kut hanaliqtut uyarakhiurvikhainnik qanuriliurutikhanik atuqhutik naunaqtuliyiyut kangiqhijjutainnik, inungnit tuhaqhutik inuillu qauyimayatuqainnik. Humiinniit apqutit, imakurnik halumaittunik tutquumavingmik, uyarakurnik iqqakuurvingnik, uyarakhiuqtanik avikturvikhamik havakviklu iniqtiqtauniaqtuq aturlugit tuhaqhimayatik inungni illittuqhahimmaaqtakhamingnillu. Sabina-kut pihimmaarahuaqtut hanayaangani, aulapkaiaangani, umiktiriyaangani utiqtifaariangani qanurinnianut uyarakhiurviugaluap pilutik taimaa maligaliuqhimayut maliglugit, mikhipkariangani avatimut inungnullu akturmiillu talvalu pivikhaliurlutik maniliriutikhainnik inuuhiringnirmmiklu piyaangani Nunavunmi.